



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Exercitium Perfectionis, Et Virtutum Christianarum

In tres Partes distinctum

**Rodríguez, Alonso**

**Coloniæ Agrippinæ, 1622**

IX. De magno quodam bono & fructu, quem è meditatione elicere debemus, & ideo eam faciendam esse, vz fructum ex ea aliquem capiamus.

**urn:nbn:de:hbz:466:1-40072**

ad sanctæ Inquisitionis carcerem rapiatur, vt infidelis & hæreticus; si vero credit, & nihilominus in peccati mortalis statu perseverare vult, fatuorum & dementium receptaculis includatur: quæ enim maior hæc dari dementia ac vesania potest? Non dubito, quin, si quis hæc attente perpendat, stræni cuiusdam instar illi futura sint, quo à peccando retrahatur. Hanc ob causam omni dæmon conatu & studio hanc nobis meditationem & considerationem dissuadere contendit. Sicut Philistæi Sampsoni, quem iam vincum habebant, oculos ante omnia eruerunt; ita & Diabolus peccatorem ante omnia excæcat, &, cum fide illi dissuadere & eripere nequeat, hoc saltem procurat, vt ita credat, tanquam si non crederet ( vt videntes non videant, & audientes non audiant, neque intelligent ) Procurat, inquam, vt non consideret id, quod credit, nec magis ipsum ad animum admittat, quam si plane non crederet; oculos scilicet illi occludit, quod vulpi huic eodem recidit. Nam sicut parum tibi proffit oculos aperire, si in tenebris agas, quia nihil penitus videbis; ita, inquit Augustinus, nihil prodest in luce versari, si oculos occlusos & obseratos habeas; quia nec tum quidquam videbis. Propterea ergo tanti momenti est meditatio & oratio mentalis, vt quæ oculos aperire facit.

## CAPVT IX.

De magno quodam bono & fructu, quem è meditatione elicere debemus: & ideo eam faciendam esse, vt fructum ex ea aliquem capiamus.

CONSULTVM & salutare imprimis est, vt, dum orationi insistimus, affectus & desideria voluuntatis exerceamus: de qua re statim agemus; verum ante omnia requiritur, vt hi affectus ac desideria in ratione bene fundentur. Homo namque rationalis est, & ratione, & per

Rodriguez exercit. pars 1.

viam intelligentiæ agi ducique gaudet. Vnus proinde de præcipuis, ad quos meditatio dirigenda & ordinanda est, scopus esse debet, vt eius adminiculo ab omni fraude & illusionem liberemur, in veritatibus solide fundemur, & ad id, quod nobis conuenit & cõgruum est, vltro & grateranter nos applicemus. Atque hic vnus de primarijs debet esse fructibus, quos vt è meditatione colligamus, procurare debemus. Atq; ideo hoc punctum imprimis notandum est, quod illud hæc in materia permagni momenti ac facile primum sit. Initio autem danda homini opera, vt solidum virtutum omnigenarum fundamentum ponat, & in ipsdẽm stabiliatur. Vt porro melius hoc ipsum è meditatione colligamus, ipsaq; singularem meditationem adferat, non debet ea aut superficialiter & obiter, aut languide & tepide fieri, sed viuaciter, attente, cum vigore ac mentis tranquillitate. Vnde vitæ huius breuitas, rerum mundanarum fragilitas, inanitas ac vanitas, & quomodo in morte terminentur omnia, tractum & per quietis otium tibi meditanda & consideranda sunt, vt hoc pacto omnia terrena despiciendo, cor tuum ad cœlestia semperque duratura amanda penitus transferas.

Frequenter quoque eodem modo considerandum, animoq; versandum, quam hominum opinio & æstimatio, quæ tamen tantopere nos emouere solet, vanitas sit; cum nihil tibi hæc vel demat vel addat, neve deteriorem te, vel meliorem reddere queat, vt sic eam parui facere, & contemnere addiscas. Atque ita de reliquis. Hoc scilicet modo quis à fascino & impostura satanica liberatur, & ad ea, quæ conueniunt, facienda inducitur, & animum applicat, ac spiritualis redditur. *Sedebit solitarius, & tacebit, quia leuauit Thren. 3. 26. super se.* Supra seipsum scilicet se extollit, & generosa quadam, rerumque omnium mundanarum contemptrice mente assumpta, cum Apostolo ait: *Propter quem Phil. 3. 8. omnia detrimentum feci, & arbitror vt stercorea, vt Christum lucrifaciam: id est,*

Y quæ

Materia meditationis  
94.

quæ ante ut lucrum & emolumentum ar-  
bitrabar, iam sapientior redditus, ad lu-  
crificandum Christum ut detimentum  
ac stercus æstimo.

Magna est inter vnam meditationem  
& aliam, inter vnum cognoscendi modum  
& alium differentia: aliter enim rem  
quampiam cognoscit doctus & sapiens,  
aliter simplex & idiota. Ille scilicet vere,  
& prout ipsa in se est, cognoscit, at hic su-  
perficalem & exteriorem tantum appa-  
rentiam. Si imperitus & rusticus quis pre-  
tiosam gemmam inueniat, eam solum ob  
exteriorem fulgorem & pulchritudinem  
concupiscit, & in pretio habet; at pru-  
dens gemmarius, non tam ob eximium  
splendorem & gratiam, quam quod eius-  
dem valorem pretiumque, perspectum ha-  
beat, eam desiderat & æstimat. Pari mo-  
do inter se differunt, is qui diuina myste-  
ria & res spirituales debito modo medi-  
tari & considerare nouit, & is quicquam  
prorsus ignarus est: quod hic illas super-  
ficialiter & velut in extimata cie confide-  
ret, uti, quamuis ipsi, ob decus & splen-  
dorem, quem in ipsis notat, eximia &  
congrua videantur, ipsas tamen aut pla-  
ne non, aut frigide saltem, concupiscat,  
at qui illas debite meditari, & pro digni-  
tate nouit expendere, minime decipitur,  
nec errat, & totus ipsi em inhiat; nam  
quod absconditi thesauri, & margarite  
pretiosæ, quam inuenit, valorem optime  
perspectum habeat præ illo omnia reli-  
qua parui facit, quinimo contemnit &  
proterit. *Abijt & vendidit omnia qua ha-  
buit, & omni eam.*

*Matt. 13. 46.*

*Matth. 9. 20.*

*Marc. 5. 25.*

*Luc. 8. 43.*

Discrimen hoc in Evangelio nobis de-  
clarauit ipsemet Redemptor Iesus, sub  
involucris & symbolo historiae de mulie-  
re illa sanguinis fluxum patiente. Cum  
enim Redemptor ad curandam, aut po-  
tius à mortuis reuocandam Archisyna-  
gogi filiam, plurimis illum turbis comi-  
tantibus abiret; mulier quædam, quæ duo-  
decim ipsis annis fluxum sanguinis passa  
erat, & omnem in medicos irritum euentu,  
quin potius magno valetudinis detrimen-  
to, substantiâ profuderat, eo viso, ardenti

quodam sanitatis recuperanda acta desi-  
derio, per confertam hominum multitu-  
dinem perterrita, & magna concepta fi-  
de ac spe, dicit intra se: *Si tetigero tantum  
vestimentum eius, salua ero.* Venit ergo,  
& tangit, & statim sanguinis illud pro-  
fluuium stetit. Conuertens ilico se Chri-  
stus ad turbas, petit: *Quis me tetigit?*  
Tum Petrus & reliqui discipuli, *Præce-  
ptor, turba te comprimunt & affligunt, &  
dicis, Quis me tetigit?* Scio quidem id, in-  
quit Dominus, nec hoc volo: sed tetigit  
*me aliquis*, non quidem eo modo, quo  
reliqui, qui me hinc inde comprimunt,  
sed modo quodam particulari: *nam &  
ego noui virtutem de me exisse.* Hoc scilicet  
volebat, hoc est Christum tangere,  
& hoc denique interrogat: quia alius il-  
le tactus rudior, quo cum vulgus & reli-  
qua turba tangit, paruifaciendus est. In  
hoc ergo totum meditationis negotium  
versatur, ut ita nimirum Christum eius-  
que mysteria tangamus, ut eorum in no-  
bis vim, virtutem, & fructum sentiamus.  
Ad hoc permagni refert, ut magna cum  
attentione in meditatione versemur, tra-  
ctim & non præcipitanter mysteria sin-  
gula ruminando, & minutim enuclean-  
do. Quod enim non masticatur, nec a-  
maricat, nec sapit; ideo namque & infir-  
mus pilulam integram deglutit, ne illius  
amaritudinem gustet. Pari modo ideo  
peccatum, mors iudicium, infernus pec-  
catori amara non videntur, quod ea mi-  
nutim non masticet, sed integra deglu-  
tiant, rudi & crasso modo, ac velut in fa-  
sce compacta accipiendo considerando-  
que. Ideo quippe mysterium incarnatio-  
nis, passionis, resurrectionis, ac reliquo-  
rum Dei beneficiorum nullum tibi gu-  
stum ac saporem continere videntur,  
quia ea minutim non expendis, non ru-  
minas, nec eo quo debes modo excus-  
taque hoc sinapis & piperis granum ma-  
stica & comminue, ac videbis, quo-  
modo paulatim aduret, & la-  
chrymas oculis tuis  
excutiet.

\*\*\*

CAPYT